



Santo 2006 :

Expedesen blong stadi deaversiti long laef



Forest, maonten mo riva tim

Saentist blong tim ia oli gat 2 objektiv :

- Mekem ful stadi blong daeversiti long laef (ol plant mo animol) long Penaoru (West Kost blong Santo), from graon kasem antap long tri mo from sanbis kasem antap long maonten.

- Survei long ol aelan blong lukaot ol difren kaen environmen mo ol difren kaen plant mo animol we i stap long ol difren ples.

Ki numba :

Taem oli wokbaot long Tabwemasana mo long dark bus long Cumberland, ol saentist oli faendem bitim 1,000 difren plant spesis.

Espiritu Santo hemi bigwan mo mo olfala bitim ol aelan long Vanuatu. Ol saentist oli ting se aelan hemi gat 4 million yea finis !

I gat fulap difren kaen envaeronmen long Santo :

- Ol maonten long west (wetem pik Santo mo Tabwemasana) wetem volkanik graon
- Flat graon long ist wetem korel graon wetem fulap hol blong ston

I gat sam ples long Santo wetem fulap karen mo plantesen... mo ol dark bus we man hemi neva mekem garen long hem.



Kev tim

Ol saentist blong kev tim oli bin stadi ol hol blong ston we i stap long Santo mo sam daeva oli faenem sam kev we i ko kasem solwota.

Ki namba :

Bifo SANTO 2006 BIODIVERSITY SURVEY, ol man oli save 3 km blong cav nomo long aelan. Naoia ol scientist oli deskraebem se hemi abaat 18 km.

Karen & aliens tim



Ol saentist blong tim ia oli stap stadi ol plant mo animol we i gat rilesen wetem man : ol samting we i stap long karen mo plantesen mo ol spesis we man i introdiusum long kaontri. Festaem ol man blong Melanesia, afta ol man blong Europe oli karem sam spesis long Santo we i no bin stap festaem. Naoia i gat sam niufala spesis we man i introdiusum long kaontri taem oli stap travel wetem boat o wetem plen.

Ki numba :

Ol saentist blong SANTO 2006 BIODIVERSITY SURVEY oli faenem 15 difren kaen anis long Kanal Santo we man i bin introdiusum !

Ol saentist oli faenem 1,150 spesis blong krustasean (olsem nakato) raon Santo. Oli ting se i mas gat ova 2,000. Hemia i bitim bigwan namba blong spesis we oli faenem long Europe we i kasem 350 spesis nomo !

Marine tim



Sam daeva oli bin stadi biodiversity blong solwota bitwin 0 mo 100 mita dip.

Ki numba :

Ol saentist oli faenem 1,150 spesis blong krustasean (olsem nakato) raon Santo. Oli ting se i mas gat ova 2,000. Hemia i bitim bigwan namba blong spesis we oli faenem long Europe we i kasem 350 spesis nomo !

Boat wetem bigfala net oli helpem blong lukluk wanem i stap long dip solwota kasem 1000 mita.